

Teikn á lofti ehf
Helgi Einarsson
Skipagötu 12
Pósthólf 170
602 Akureyri



UST

Umhverfisstofnun

Environment and Food Agency of Iceland

Suðurlandsbraut 24
IS-108 Reykjavík, Iceland

☎ (+354) 591 2000
☎ (+354) 591 2010

umhverfisstofnun@ust.is
www.umhverfisstofnun.is

Reykjavík, 19. desember 2007
Tilvísun: UST20071100133/ksj

Akstursípróttá- og skotsvæði á Glerárdal Akureyri

Vísað er til erindis frá Helga Einarssyni fyrir hönd teiknistofunnar Teikn á Lofti er barst þann 22.11. síðastliðinn þar sem óskað er umsagnar Umhverfisstofnunar um tillögu að deiliskipulagi á akstursípróttá- og skotsvæði í Glerárdal, Akureyri og greinargerð er fylgir erindinu.

Í núgildandi Aðalskipulagi Akureyrar er svæðið sem deiliskipulagstillagan um akstursípróttá- og skotæfingasvæði nær yfir skilgreint sem "opið svæði til sérstakra nota og efnistökusvæði." Skipulagssvæðið er alls 72 hektarar að stærð, og liggur fyrir ofan byggð Akureyrarbæjar. Í greinargerð sem fylgir deiliskipulagstillögunni kemur fram að svæðið er mikið raskað af efnistöku og akstri stórra ökutækja og það hefur einnig verið notað sem tippur. Ætlunin er að skipta svæðinu milli þriggja aðila sem munu nýta það sem framtíðar æfinga og keppnissvæði. Þessir aðilar eru Skotfélag Akureyrar, Kappakstursklúbbur Akureyrar og Bílklúbbur Akureyrar.

Umhverfisstofnun gerir eftirfarandi athugasemdir við erindið.

Náttúruminjar

Svæðið sem hér er verið að deiliskipuleggja er við Glerá en stór hluti Glerárgils er á náttúruminjaskrá og í skránni segir um það svæði: "Glerárgil, Akureyri, Glæsibæjarhreppi, Eyjafjarðarsýslu. (1) Árgil Glerár frá Bandagerðisbrú við Sólvelli, upp gilið að ármótum Glerár og Hlífár. (2) Gróðurrikt gil, skógarlundir, fjölbreyttar árrofsmyndanir, fossar, skessukatlar og skútar. Söguminjar."

Athuga skal að við það er almennt miðað þegar vötn og tjarnir og ár eru sett á náttúruminjaskrá að vernda beri ána og farveg hennar ásamt 100 metra breiðu belti ofan eðlilegra flódamarka eða gljúfrabrúna. Í skipulagsreglugerð nr. 400/1998 kemur fram að þegar skipulagt er við vötn, ár og sjó sé þess gætt "að ekki verði hindruð leið fótgangandi meðfram þeim." Hér er það áin og gilið sem verið er að vernda svo enn mikilvægara er að skilja eftir amk 100 metra breitt svæði ósnortið beggja vegna við ána. Þar af leiðandi ættu lóðamörk akstursípróttasvæðisins hvergi að vera nær ánni en 50

metrar svo tryggja megi aðgengi almennings og engar framkvæmdir skulu vera nær en 100 metrar. Leitast skal við að halda þeirri fjarlægð frá ánni og frekar endurbæta svæðið innan 100 metra fjarlægðar frá ánni ef það hefur orðið fyrir röskun og halda því sem náttúrulegustu. Einnig er mikilvægt að miklar hljóðmanir sem setja þarf víða sem mótvægisáðgerðir vegna hljóðmengunar hafi ekki truflandi áhrif á svæði á náttúruminjaskrá. Umhverfisstofnun telur afar mikilvægt að vel sé gengið frá þeim mörkum þar sem náttúrulegt gljúfrið mætir manngerðu svæði. Einnig er mikilvægt að gönguleiðir verði áfram um gilið og aðgengi verði gott, og að útivistargildi þess haldist. Umhverfisstofnun vekur athygli á því að hér er verið að skipuleggja saman náttúruminjar með útivistargildi þar sem kyrrð og ró er aðalmerki annars vegar og afar háværar og ónæðissamar íþróttagreinar hins vegar.


Hljóðmengun

Töluverð hljóðmengun mun fylgja allri starfsemi er deiliskipulagstillagan gerir ráð fyrir að komi á svæðið, og eru ýmsar mótvægisáðgerðir áætlaðar eins og fram kemur í greinargerð sem fylgir erindinu, svo sem steypdur veggur kringum gokart braut og viðamiklar hljóðmanir. Í skýrslu Línuhönnunar er miðað við leyfilegt hljóðstig sem gildir á aksturs- og skotæfingasvæðum í Danmörku og Svíþjóð. Í reglugerð um hávaða 933/1999 er gefið upp það viðmið að ekki sé meiri hávaði en 55 dB á útivistarsvæðum í þéttbýli. Nú er svæði deiliskipulagstillögunnar þétt við svæði á náttúruminjaskrá sem er útivistarsvæði svo gæta þarf þess að hávaði berist sem minnst milli svæða. Vandamál geta skapast vegna þess að reiðleiðir eru á kafla upp við lóðamörk ofangreinds svæðis. Þar sem stök hvell hljóð geta orðið til þess að fæla hesta telur Umhverfisstofnun nauðsynlegt að endurskipuleggja reiðleiðir og færa þær fjær akstursíþrótt- og skotsvæðinu en sýnt er á upprætti.

Niðurstaða

Akstursíþrótt- og skotsvæðinu á Glerárdal er í deiliskipulagi ætlaður staður á mikið röskuðu efnistökusvæði sem liggur upp að svæði á náttúruminjaskrá. Umhverfisstofnun undirstrikar að Glerárgil verði ekki fyrir röskun hvað á sýnd varðar og að útivistargildi haldist. Mikilvægt er að mörk Glerárgils og manngerðs svæðis verði gerð sem náttúrulegust með svæðisbundnum gróðri og að hljóðmanir falli vel að umhverfinu. Ljóst er að töluverð hljóðmengun getur orðið af starfseminni á akstursíþrótt- og skotæfingasvæðinu, þar af leiðandi vill Umhverfisstofnun undirstrika að reiðleiðir og hesthúsahverfi og fagurt útivistarsvæði þar sem fólk fer til að njóta útiveru og hvíldar annars vegar og hávaðasamar aksturs- og skotíþróttir fara afar illa saman. Hætt er við að hávaðamengun muni trufla útivist í Glerárgili í framtíðinni. Utanaðkomandi hávaði á ekki að fara yfir 55dB á útivistarsvæði í Glerárgili samkvæmt reglugerð um hávaða. Hvað reiðleiðir varðar er ljóst að endurskipuleggja þarf þær fjær akstursíþrótt- og skotsvæðinu, því skyndileg hvell hljóð geta haft hættu í för með sér.

Virðingarfyllst


Kristín S. Jónsdóttir

Sérfræðingur


Helgi Jónsson

Forstöðumaður